

ESCENARIO PRECIOSO PA SAN NICOLAS

ORANJESTAD(AAN)—

E esenario cu a ser traha pa e concurso di calypso, a ser masha elogia den Lago Sport Park e aña aki.

Anteriormente semper tabata tin critica ariba e esenario cu ta ser traha pa e concurso di calypso, y aña pasa cu a trata di presenta un esenario mihor, a resulta cu esaki tabata masha debil y simpel traha.

E aña aki sinembargo, un miembro honorario di SAC a ofrece pa diseña un esenario digno pa e concurso di calypso, y locual el a presenta cune, tabata un preciosidad.

Tabata trata di tres trai-

ler (dos patras y un dilanti) cualnan a ser prepara como esenario cu luznan di color y spotlightnan cu tabata cambia segun ritmo, y despues di actuacionnan di e gruponan por a cambia di un esenario pa otro.

E sistema aki a ser traha pa e show por continua mas rapido, pero tardanzan cu entonamento di instrumentonan y cambio di wayanan(locual no a ser mira en principio) no a duna e resultado spera.

E stage sinembargo tabata e stage di mas bunita cu a yega di ser traha pa e concurso di calypso y

roadmarch na San Nicolas y pa otro aña sigur e fallo nan cu por a ser constata e aña aki lo ta remedia ya e aña aki lo ta remedia.

Dos siman largo Mundo Albus, Naldo Rijke, Nel Frank, Victor Albus, Robert Albus, cu trahadornan di e firma Rijke/Albus a traha ariba e stage, y tambe tabata tin cooperacion di Francis Arends, pa coneccion di coriente y luznan, Candy Hernandez cu a colabora tecnicamente, Angel Kirschner cu a diseña e decoracion, y e companianan di De Cuba Transport, di Oscar Daal y Intra Caribe, cu a coopera cu transportacion di e trailer nan for di RCA pa Lago Sport Park.

Segun informacion, e gastonan a surpasa 25 mil florin, mientras cu no ta inclui huur di e trailernan etc. cual por a monta te na 12 mil florin, y cual mas bien ta un donacion na SAC.